

IB LUB CHAW KAJ SIAB RAU NEEG MUS NCIG UA SI NYOB HAUV LUB NROOG



Thaum koj taug kev nkag mus rau hauv Willow Reserve, cov suab uas koj hnov nyob hauv lub nroog yuav npauv mus ua tej suab nas suab noog uas raws nyob ntawm tej xyooob ntoo nyob saum koj taub hau, koj yuav hnov cua hliv ua rau tej nplooj xyooob nplooj ntoos ntxhee laim txiag, thiab koj yuav pom hais tias koj yeej nyob tau kaj siab lug. Muaj tej lub sij hawm, koj yuav hnov lub tsheb nqaj hlaus khiav uas nws yuav ua rau koj nco qab hais tias koj tseem nyob hauv lub nroog. Txhua zaug uas koj tshais ib kauj ruam, nws yeej muaj ntau yam rau koj saib los sis pom.

Paj Noob Hlis Sawtooth


Paj Noob Hlis Sawtooth yog ib yam paj uas muaj nyob raws tej ntug pas dej. Saib li 6-10 kauj ruam, cov paj ntawm no muaj cov paj uas ci tshiab thiab daj thiab tawg thaum lub caij ntuj sov yuav tag mus txog thaum pib lub caij nplooj ntoos zeeg.

Nroj Elderberry Liab

Nroj Elderberry Liab yog ib yam nrog tsuas uas ib txwm muaj nyob rau ntawm thaj chaw no uas tawg cov paj xim dawb thiab txi ib cov txiv xim liab thaum lub caij nplooj ntoos hlaw thiab lub caij ntuj so. Cov txiv ntawm no yog ib yam khoom noj uas zoo heev rau ntau ntau yam noog.

Cov Tsiag Qus Uas Pom Thaum Caij Ntuj No

Nrhiav cov hneev taw tsiag zoo li mos lwj, hma, thiab qaib cov txwv thaum los dau (snow) thiab ntawm cov chaw uas muaj av nkos. Koj nrhiav tau pes tsawg yam tsiag cov hneev taw?



Cov Os Uas Muaj Npe Hu Ua Wood Ducks

Wood Ducks yog ib cov os uas noj tej noob nroj, txiv hmab txiv ntoo, nroj ntsuag, thiab kab ntsuam uas nyob huav lub pas dej. Cov lauv yeej zoo nkauj heev uas muaj xim liab tsaus zoo li av thiab xim ntsuab. Thaum lub caij nplooj ntoos hlaw, ib khub ntawm cov os no yeej mus ua zes nyob saum cov ntoo uas siab txog 65 kauj ruam.



Cov Kab Ntsaum thiab Nas Noog Txhua Yam Uas Ntsauv Paj


Cov kab ntsaum thiab nas noog txhua yam uas ntsauv paj yeej mus nrhiav khoom noj nyob ntawm tej pab zoo li cov kua zib los sis hmoov paj. Lawv nqa cov hmoov nyob ntawm ib lub paj mus rau lwmm tsoob paj, nws pab ua rau cov paj los sis ntoo ntawd tism tau noob los sis txi taus txiv. 1 ntawm 3 ncauj khoom uas tib neeg noj txhua hnuv yeej yog tism los ntawm cov kab ntsaum thiab nas noog txhua yam uas ntsauv paj.

Ib Yam Paj Muaj Npe Hu Ua Bee Balm

Bee Balm, kuj tseem muaj npe hu ua Wild Bergamot, yeej yog yam paj uas ib txwm muaj nyob hauv Minnesota. Nws hlaw siab mus txog li 6 kauj ruam thiab tawg cov paj xim liab dawb (pink) los sis zoo li ib cov paj liab uas muaj ib lub raj khoob qhov uas tawg rau thaum lub caij ntuj sov yuav tag thiab yeej yog ib yam paj uas muv thiab noog taub qaub (hummingbird) nyiam ntsauv los sis nyiam haus heev.

Noog Dub Liab Tis (Redwing Black Birds)

Thaj av no yog lub chaw nyob rau ntau tshaj 30 yam noog. Tus lauv Noog Dub Liab Tis yeej yog ib tus noog uas neeg yuav pom yooj yim vim nws muaj ib cov plaub uas yog xim liab thiab sim daj nyob ntawm nws ob lus xub pwg. Lawv ua me nyuam thiab tsaws rau ntawm tej hav iav thiab lawv yeej tsis pub dab tsi los ze lawv cov zes li.



Cov Qav Uas Muaj Npe Hu Ua Boreal Chorus Frogs

Boreal Chorus Frogs yog ib yam qav uas lawv lub cev tsuas ntev ib nti thiab muaj cov ntiv taw pluav los pab kom lawv nce tau ntoo. Cov txiv qav siv ib lub suab zoo li thaum koj muab koj cov ntiv tes plhw raws cov hniav ntawm lub zuaq ntsis plaub hau coj los ua kom cov maum qav los nrhiav lawv.




Keep Kwm Ntawm Thaj Av Willow Reserve

Cov neeg Mdewakanton Dakota twb nyob hauv lawv lub zos Kopsia uas nyob phab hnuv tuaj ntawm tus dej Mississippi River tau ntau xyoo los lawm. Lawv tau muab lawv lub zos txav mus nyob rau phab hnuv poob ntawm tus dej, uas tam sim no yog Saint Paul, tom qab ib qhov kev cog lus nyob ntawm cov neeg Dakota thiab Tsoom Fwv Meskas uas muab thaj av paur mus ua Teb Chaws Meskas li.

Cov neeg uas xav mus nrhiav av ua liaj ua teb, mus luam tawv tsiag thiab ua luam ntoo tau khiav los rau Saint Paul. Thaj av uas muaj npe hu ua Willow Reserve yeej tau hloov tus tswv ntau zaus. Nyob rau ntu sij hawm 1960, cov neeg zej zos thaj li tau pib tawm tswv yim coj los tiv thav thaj av no thiab Saint Paul thaj mam li muab Willow Reserve coj mus teev muaj npe rau hauv Mississippi Flyway thaum xyoo 1977.

Mississippi Flyway

Ib qhov kev soj ntsuam cov khoom uas muaj nyob hauv av thaj li tau muab Willow Reserve tso hais tias yog ib lub chaw so thiab chaw nrhiav noj tseem ceeb rau cov noog los sis os uas yuav khiav ntawm ib thaj chaw mus rau lwmm thaj chaw ua ntej lawv yuav ya raws ntu teb chaw hu ua Mississippi Flyway.



Mus Kawm Kom Paub Ntxiv

Scan for more information. | Escanea el código para más información | Yog xav paub ntxiv mus yees lub cim Lambarka halkan mari si aad u aragto faahfaahin | ဖုန်း (၈၈၇) အိမ်သိမ်းကဒီးနတ်ကစီဂ်ဂျီအေထီပိအဂီတကုာ်.

